



FOKUS: Sebagai ari penyereta ke ngulu atur pengawa nya ditu.

Jaku Iban ngembuan pengalus sereta penyelai

Pengaya ba main enggau adat ulih dikelai nengah pengawa mansutka semua cherita baka ke kala dipansutka suba

BINTANGOR: Jaku Iban sebengkah jaku ke kaya enggau seni ke nyelai sereta ngerinduka ati.

Direktor Palan Pematih Pengajar (IPG) Kampus Rajang Raymond Gai @ Gaie Panting madah, nya ulih dikelai nengah pengawa mansutka semua cherita baka ke kala dipansutka suba.

“Taja pia, diatu pengawa ngasilka utai tulis dalam jaku Iban kurang ngerembai.

“Nya alai, tuju ngatur woksyop ngambi tau nyadika peransang raban ke ngulu pengawa tu ditu chakah agi ngasilka utai tulis ke manah dikena ngerembai pengelandik nulis.

“Woksyop Pengelandik Nulis enggau Dokumen Rasmi Jaku Iban ke diatur tu dikena ngiring sereta nyungkak penemu sentang pekara adat asal sesebengkah jaku lebih agi ari segi pemanah

“Kelimpah ari nya mega, program tu dikearap ulih meri penerang ngagai orang ke ngulu atur pengawa tu sentang chara nulis dokumen dalam jaku Iban ngambika jaku Iban seruran setipak enggau pemansang ke diatu.”

Raymond Gai @ Gaie Panting
Pengaroh IPG Kampus Rajang

jalai jaku nya.

“Kelimpah ari nya mega, program tu dikearap ulih meri penerang ngagai orang ke bisi enggau ditu sentang chara nulis dokumen rasmi dalam jaku Iban ngambika jaku Iban seruran setipak enggau pemansang ke diatu,” ku iya bejaku ba Pengerami Nutup Woksyop Pengelandik Nulis enggau Dokumen Jaku Iban di Dewan Sri Rajang, Bintan-

gor, apin lama ke udah.

Program ke diatur Unit Jaku Iban IPG Kampus Rajang nya udah digulu 44 iku nyengkaum lecturer, pemesai pengatur pengawa enggau bala nembiah IPG Kampus Rajang.

Rambai jaku woksyop nya ‘Jaku Iban Maju Nyerumba Singkang Pemansang’

Ku Raymond baru, rambai jaku nya setipak enggau ju-

luk ati Opis Menteri Pelajar menua Malaysia ke deka nempa nembiah ti ngembuan runding ke kreatif ba tikas ke tinggi.

“Tuju woksyop tu diatur kena mantaika penyelai jaku Iban nengah mayuh bengkah sukut.

“Tu mega siti ari chara dikena negapka pengawa beratika pengalus adat dalam jaku Iban seraya meransang pengawa ngasilka utai tulis ba raban bansa Iban.

“Kelimpah ari nya, woksyop mega diatur kena ngadaka sesiku orang ti ngemeranka pemaik, pemanah ulah sereta talukka menua bepelasarka jaku Iban,” ku Raymond.

Woksyop nya diatur nge-lama dua hari lalu tukang licha ti dikangau ngemujurka program nya, iya nya Lecturer Fakulti Sains Sosial Universiti Malaysia Sarawak (UNIMAS) Dr Jeniri Amir.